



Bosnia and Herzegovina
Federation of Bosnia and Herzegovina

CANTON SARAJEVO
Ministry of Veteran's affairs

Broj: 06-14-31660/19
Sarajevo, 20.09.2019. godine

Na osnovu člana 6. stav 2. Uredbe o kriterijima za finansiranje programa i projekata neprofitnih organizacija i udruženja koja se finansiraju/sufinansiraju iz Budžeta Kantona Sarajevo („Službene novine Kantona Sarajevo“, br. 33/11, 3/12-Ispravka, 37/13 i 16/14) člana 12. stav 2. Pravilnika o kriterijima za finansiranje/sufinansiranje programa i projekata neprofitnih organizacija i udruženja („Službene novine Kantona Sarajevo“, broj 17/14) i člana 22. Zakona o izvršavanju Budžeta Kantona Sarajevo za 2019. godinu („Službene novine Kantona Sarajevo“, broj 6/19 i 26/19), te Javnog poziva broj: 06-14-2953-1/19 od 08.02.2019. godine, ministar za boračka pitanja donosi

ODLUKU

o odobravanju sredstava za finansiranje/sufinansiranje programa i projekata od interesa za boračku populaciju Kantona Sarajevo za 2019. godinu

1. Odobravaju se Savezu udruženja dobitnika najviših ratnih priznanja „Zlatni ljiljan“ i „Zlatna policijska značka“ Kantona Sarajevo (u daljnjem tekstu: Udruženje) dodatna sredstva u ukupnom iznosu od 2.000,00 KM, za finansiranje/sufinansiranje projekata kako slijedi:

Naziv projekta	Odobreni iznos
1) Psihofizička rehabilitacija i druženje članova Saveza na Jablaničkom jezeru	2.000,00

2. Udruženje je dužno odobrena sredstva koristiti za realizaciju navedenih projekata, a prenamjena je moguća samo uz saglasnost Ministarstva za boračka pitanja.
3. Sredstva iz tačke 1. ove odluke terete poziciju Ministarstva za boračka pitanja Kantona Sarajevo, razdjel 13, glava 01, potrošačka jedinica 0001, ekonomski kod 614300, subanalitika DAN027 „Udruženja građana - boračka udruženja finansiranje/sufinansiranje programa i projekata“ i uplatiće se na račun Udruženja.
4. Sredstva iz tačke 1. odluke se doznačavaju nakon potpisivanja ugovora o namjenskom utrošku sredstava i Udruženje ih je dužno utrošiti u skladu sa ovom Odlukom, potpisanim ugovorom, te u skladu sa važećim zakonskim propisima.
5. Udruženje je dužno odobrena sredstva po projektu iskoristiti u omjeru utvrđenom od strane Ministarstva finansija Kantona Sarajevo u Obrascu narativnog i finansijskog izvještaja i to:
 - a) maksimalno do 30% odobrenih sredstava za administrativne troškove,
 - b) minimalno 70% odobrenih sredstava za projektne aktivnosti.
6. Udruženje je obavezno nakon realizacije odobrenog projekta, a najkasnije u roku od 15 dana Ministarstvu za boračka pitanja dostaviti izvještaj o namjenskom utrošku sredstava. Izvještaj mora biti sveobuhvatan, odnosno obuhvatiti i aktivnosti finansirane iz drugih izvora, biti usklađen sa finansijskim planom projekta, te u skladu sa Obrascem narativnog i finansijskog izvještaja propisanim od strane Ministarstva finansija Kantona Sarajevo. U prilogu izvještaja o namjenskom

utrošku sredstava, u skladu sa finansijskim izvještajem, Udruženje je dužno dostaviti jasno odvojenu i označenu po budžetskim stavkama odgovarajuću dokumentaciju (kopije odluka nadležnog organa o odobravanju isplata, kopije svih računa u iznosu sredstava dobijenih od Ministarstva, kopije naloga za plaćanje, kopije ugovora o angažmanu uz dokaze da su naručeni poslovi obavljani i sl.). Plaćanja obavljati žiralno, a gotovinska plaćanja su dozvoljena samo izuzetno kada je to neophodno zbog prirode aktivnosti i u skladu sa Zakonom o unutrašnjem platnom prometu FBiH.

7. Nadzor nad utroškom doznačenih sredstava iz tačke 1. dispozitiva ove Odluke će vršiti Ministarstvo za boračka pitanja.

Obrazloženje:

Na osnovu objavljenog Javnog poziva za finansiranje/sufinansiranje programa i projekata kantonalnih i drugih boračkih udruženja, odnosno udruženja od interesa za boračku populaciju Kantona Sarajevo za 2019. godinu Savez udruženja dobitnika najviših ratnih priznanja „Zlatni ljiljan“ i „Zlatna policijska značka“ Kantona Sarajevo, dostavilo je zahtjev broj:06-14-5229/19 od 27.02.2019. godine sa ukupno 5 projekata. Zahtjev je bio dostavljen blagovremeno te pripremljen shodno uslovima javnog poziva, te je odlukom broj: 06-14-5229-3/19 od 02.04.2019. godine podržan sa ukupno 116.600,00KM.

Udruženje je dana 27.08.2019. godine dostavilo zahtjev za realizaciju dodatnog projekta koji se realizira duži niz godina, a radi se o rehabilitaciji i druženju članova na Jablaničkom jezeru.. O aktivnostima je tokom direktnog razgovora upoznat ministar za boračka pitanja, koji je zbog prezentiranih razloga te činjenice da se radi o naročito zaslužnoj kategoriji lica, obećao da će u skladu sa mogućnostima podržati ovaj projekat, pri čemu je srodan pravu na klimatsku rehabilitaciju koje je utvrđeno Zakonom o dopunskim pravima boraca-branitelja Bosne i Hercegovine, ali se može podržati samo kao projekat udruženja. Udruženje je 18.09.2019. godine dostavilo „zahtjev za plaćanje“ u kojem su prezentirane provedene aktivnosti i utrošena sredstva.

Obzirom da su na odgovarajućoj budžetskoj poziciji osigurana dodatna sredstva odlučeno je da se pruži pomoć kao u dispozitivu.

Udruženje je obavezno odobrena sredstva utrošiti namjenski uz pridržavanje svih važećih zakonskih popisa te dostaviti odgovarajuće izvještaje.



Dostaviti:

1. Savez udnrp.„Zlatni ljiljan“ i „Zlatna policijska značka“ KS
Ul. Franca Lehara br.13/1, Sarajevo
2. Sektor za ekonomske poslove,
3. A/a.



web: <http://mbp.ks.gov.ba>
e-mail: mbp@mbp.ks.gov.ba
Tel: + 387 (0) 33 562-012,
Fax: + 387 (0) 33 562-251
Sarajevo, Reisa Džemaludina Čauševića 1

